

Zacan y ncuei

Ciantia populera
Cianteda da Franzl da Puent y
Franzl da Poz

1. Sa mont se n ji - ven za - can cun la cias - pes bel plan y su -
2. Ch'la mon-tes bu - siei - a de jënt pu, diau' ma, l ie pro - pi n spa -

4 nan, be - lau che n mes - so - va se te - mëi dal or - co che fo - va da u - dëi. Sën
vënt a u - dëi coch' i bëi - sa ncan - tëur cun brei - es de u - ni cu - lëur.

8 ie - la mu - de - da la cos - sa y mo la mu - dës - si sc'i pos - sa.

Zacan y ncuei

1. Sa mont se n jiven zacan
cun la ciaspes bel plan y sunan,
belau che n messova se temëi
dal orco che fova da udëi.
2. Ch'la montes busieia de jënt
pu, diau' ma, l ie propi n spavënt
a udëi coch' i bëisa ncantëur
cun breies de uni culëur.
3. Da Pruca nchin te Plan
cun la slites furnoven zacan,
la streda fova lergia assé
y duc canc pudova passé.
4. Cavia ai bën po' slargià
n lëur che s'à drët mpaia,
(ma) sën tumbli y rauscia adalerch
y nëus messon jì sun na pert.
5. Sal "Schgaguler" se n pioven zacan,
biei sëui cun la muta tla man,
n bos giapov'n do uni lën,
belau ne s'la fajov'n nia a pën.
6. Da Urtijëi sun Mont Sëuc ai spanà,
de tel cordes decà y delà,
te na gabia te tiri sën su
y giamëtes ne giatës sën plu.

7. Zacan se n jiven do dlieja
ta Poz, sa Puent y ta Tiejja,
mutans y mutons do penic,
ciantedes, rijedes, ce vic.
8. Sën vai cun chisc schi uni di,
sun Cuca y sun Col da Mesdì,
Mont Sëuc y po' Sela y Stevia,
sun Frea y sëura mont via.
Ref.
Audide ma coche i l'à,
chisc s'niëures de gran zità.
9. Da dlonch sën vëni caprò,
cun zughes, cun auti y cun l bo,
na ciera ai duc sc'che na schita
belau che i tom' ora de slita.
Ref.
Ruj'nedes, paroles de grandes,
la musa ch' les mëina ch'la landes.
10. Doi schi, de gran fusc y n ciapel,
na brea y n camesëul mo drët bel,
manëces, ciauzei y scapins,
dut ai pa chisc diaui de patins.
Ref.
Po' sgrafli bën su per ch'i coi,
y soflla pa nce sc'ch' i foi.
11. Po' straichi mo su per ch'i schi,
de tel sölba che fej pa drët jì,
i sbriscia stlefan ncantëur,
dal spavënt che i muda culëur.
12. I fir duc ncrëusc sc'che malans,
de tei vedli, tei crauc y fenans.
Sën iela mudeda la cossa
y mo la mudëssi sc'i possa!